

Regional News Unit AIR Aizawl
Saturday, September 07, 2024

Time - 7:30 -7:40Hrs

REGIONAL NEWS BULLETIN

HEADLINES (MORNING)

- Aizawl khawpui tlak lam vek 11 thlanchhuah te ek thli lakhawma sawngbawlina tur project nimin khan hawn a ni.
- Gauhati High Court Mizoram Bench building ah nau awmna hmun Gauhati High Court Chief Justice Pu Vijay Bishnoi an nimin khan a hawng.
- Prime Minister Narendra Modia chuan mahni hnam tawng ngeia zirna kalpui a pawimawh a ti.
- Andhra Pradesh leh Telangana-a tuilian tuarte chhanchhuah hna Indian Navy ten ngawrh takin an thawk mek.

<><><>

SMALL BORE SEWERAGE

Aizawl khawpui tlak lam vek 11 thlanchhuah te ek thli lakhawma sawngbawlina tur project 'Small Bore Sewerage & Septage Treatment for Aizawl Zone -7' chu nimin khan hawn a ni a,

A hawanna inkhawm PHE leh UD&PA Department tangkawp buatsaih hi Urban Development & Poverty Alleviation Minister Pu K. Sapidanga, PHE Minister Prof. Lalnilawma leh bialtu MLA leh corporator te an tel a ni.

UD&PA Minister Pu K. Sapidanga chuan Small Bore Sewerage & Septage Treatment for Aizawl Zone -7 chu project pawimawh tak, hriselna khawih leh chona nasa tak kengtel a nih thu sawiin, project phurawm tak a nih avangin a thatna leh a tumte mipui hnena puanzar kawngah tanlak a tul hle dawn a ni, a ti a. Sawrkar hmalakna project lian leh pawimawh tak takte mipuite zirtir leh hrilhriat kawngah tun aia tanlak lehzual a pawimawh thu sawiin, Sawrkar hotute chu a puanzar lam ngaipawimawh deuh deuh turin a chah a. Project kalpuina tur Aizawl west area-te vannei a tih thu sawiin, "Nitin khawsak leh nunna atana tangkai, dam chen khawih thil a nih avangin a phurawm a, a hlawhtlin theih nan pawh kan thawhho thiam a ngai dawn a ni," a ti. Zun leh ek thlite a lo thianghlim a, thianghlim leh hrisela chhuah leh theihna tura tanlak chu ngaihpaawimawha neih a tul thu sawiin, project kalpui tur chu tha tak, a nihna ang taka hun ruat chhung ngeia zawh hman tum turin a chah a ni.

PHE Minister Prof. Lalnilawma chuan project khuhhawn tak chu PHE Department kaltlanga Sewerage & Septage project kalpui hmasak ber tur leh mipui vangtlang hriselna tura duan a nih thu sawiin, hei hi a huamchhung Aizawl tlak lam vengte thli bawlhhlawh sawngbawlina leh Aizawl tuilakna tihthianghlimna, tui hrisel petu tur a ni, a ti a. Project kalpui tur chu thli leh tangkai tawh lova langte tangkai zawka hman theih tura sawngbawlina, 'waste to wealth' ataka kalpuina tur a nih thu a sawi. Department project bik a nih loh thu leh a hlawkna teltu tur khawtlang mipuite ta a nih thu sawiin, a huamchhung vengte chu a bulthum atanga neitu thinlung pu chung a tawiawma vil pui turin a sawm a ni.

Zone-7 hnuai Local Council 11 Dawrpui, Chawnpui, Tuikual North, Tuikual South, Dinthar, Dawrpul Vengthar, Vaivakawn, Kanan, Khatla, Mission veng, Zarkaw) ah te he project hi kalpui tur niin, NGT zirchiannaah Aizawl tuilakna, Tlawng lui pawhtu Tuikual lui leh a pawhtu luikawrte tih thianghlim a tul avangin hmalak lehna hmasa atan Zone-7 hi thlan a ni.



CENTRAL YMA

Central YMA Kumpulan Committee leh Excise & Narcotics Department Join Operation in Ruihhlo Ganja thahnem tak an man.

Central YMA Kumpulan Committee leh Excise & Narcotics Department te chuan Aizawl Chanmari West huamchhungah Meghalaya atanga lo chho TATA YODHA Motor atangin tunlaia 'GANJA' tha chi an tih Kg 28 leh Gram 237 an man a, Ruihhlo neitu ni a rinhleleh leh Ganja te hi Excise Dept in an man nghal a ni.

Excise Department thuchhuah danin tunlaiah thalaite zingah ruihhlo ti thar an tam hle a, hei vang hian ruihhlo mamawhna a sang thar hle a, Ruihhlo chi hrang hrang No.4 (Heroin), Codeine leh Ganja hmun hrang hrang atangin Mizoram ah a lo lut tam zual a ni.



BJP PR

BJP Mizoram State President Pu Vanlalhmuakan Education System tha leh naupangte hnena thiamna tak tak pek chhuah chu state Goal pui berah hman thar leh a ngai a ti.

Nimina an party Political Session Aizawla neihah he thu hi sawiin Pu Vanlalhmuaka chuan Mizoramah chuan Sorkar sikul chu a tha ber tur nisi, mi pangngaia ngaih te'n an fate kalna atana an duh loh atangin Education chu sumdawn naah a chang ni ta in a lang a ti.

Private Sikula Train chhuak lem lo zawk ten Result tha mipui ah an chhawpchhuah sak mek a, Sorkar Sikulte tan an lak thar a ngai takzet a, tunah hian Education System tha leh naupangte hnena thiamna tak tak pek chhuah chu an Goal pui berah an hman thar leh a ngai a ti a ni.

Mizoram ah chuan hnalak chungchangah chung leh khatte induhsak bikna hi hmelma lian berte zinga mi a ni a ti a, Mizoramin an mamawh chu, hna lakna reng rengah duhsak bik awm miah lova a thiam leh tha berte hna pek a ni a, hetiang hi tih theih anih hunah chuan hmasawna hmuh a ni ang a ti a ni.



HIGH COURT CRECHE

Gauhati High Court Mizoram Bench building ah nau awmna hmun Gauhati High Court Chief Justice Pu Vijay Bishnoi an nimin khan a hawng a. Gauhati High Court Judge Pu Michael Zothankhuma leh Justice Kaushik Goswami, Judge, Gauhati High Court te'n an tawiawm bawk.

Creche hi Mission Shakti, Aizawl Urban ICDS Project, hnuaiia Mizoram sorkar hmalaknaa din a ni a. Hmeichhia leh naupangte'n hamthatna tha zawk an dawn theihna tura din niin tihphuisui leh tihhlawhtlin zel a ni theih nan he project PALNA - Anganwadi Cum Creche hi siam a ni. UN hnuaiia sustainable development Goals 8-nain a sawi angin hna thianghlim leh zahawm hmanga ram ei leh bar tihhmasawn chu a tum ber a ni.

He scheme hnuaiiah hian naupang thla 6 atanga kum 6 inkar, nu hnathawh nei te'n he hmunah hian an hnathawh chhungin an fate an dah thei dawn a. A hmunah hian ei leh in tur leh an mutna tur bakah day care facility te Anganwadi nena tangkawpin naupangte enkawl na pek thin tur a ni dawn a ni.

Creche hawna hunah hian Mizoram Law secretary, WCD Secretary leh Director bakah High court officials leh High Court Bar a advocate te an tel a ni.

<><><>

MADC

Siaha Dist Power & Electricity Department bultumin District chhunga power supply chungchang sawihovin nimin khan MADC Forest Hall-ah thutkhawm a ni a, Lunglei Power Circle Superintending Engineer Lalrinmawia hova hun hman a ni.

SE chuan Siaha District chhunga power supply a that zawk nana hmalakna an neih mek te a tarlang a, theihtawp an chhuah mek a ti a. Khawiva atanga Chawnhu 132kv line upgrade tura hmalak mek a nih thu te, an upgrade hun chhunga chak zawka hna thawh a nih theih nan chhun lamah power supply shut down a ngaih dawn thu te a tarlang a, Siaha mipuite hriatthiamna leh tawiamna a dil nghal baw.

Pu Lalrinmawia chuan Siaha Power Division hnuaiia thawkte fakin an inpekna leh thawrimnaah lawmthu a sawi a, 2023-2024 chhungin Mizoram pumah transformer enkawl kawnga titha ber, transformer chhia tlem berna an ni a ti a, lawmpui nan citation a hlan a ni. Siaha Division aiawhin MTP Gen Hqrts President Pu Pakhaw Chozah chuan citation hi a dawng a, Siaha Sub division aiawhin MCHP President Pi P Chaki chuan citation hi dawngin Tuipang Sub Division aiawhin YMA Chhimpuitui Group President Prof Chawngkhuma Chawngthu chuan a dawng thung a ni.

He hunah hian Lawngtlai Power Division EE Pu Ramdinsanga bakah Siaha Division hnuaiia thawkte, Siaha khaw chhunga NGO hrang hrang aiawh; MCHP, MTP, MSO, YMA, MYA, Consumers Union te an tel a, zawhna leh chhanna hun buatsaih nghal niin kalkhawmten hriatthiamloh an neih te leh rawtna an neih te an thlen nghal baw.

<><><>

MNF FILES FIR

Mizoram State Commission for Women (MSCW) Chairperson atana ruat Pi C. Lalchandami chu a pian kum chungchang thildik tawklo a ti ni a ngaiin hemi chungchang chhui turin MNF Legal Board chuan Bawngkawn Police Stationah FIR an thelut.

MNF Legal Board Vice Chairman Lalpianfela Chawngthu chuan nimin khan Officer-in-Charge, Bawngkawn Police Station-ah Pu C. Lalrinpuia Advocate, Secretary MNF Gen.Hqrs.hmingin FIR an thehlut a ti a, Pi C.Lalchhandami chu a kum chungchangah thudik tawklo a awm niin an hria a, a pian kum chiang lo chung Mizoram State Commission for Women (MSCW) a ruat a nih vanga hetiang a ti hi an ti a ti.

MNF Legal Board chuan Pi C. Lalchhandami hi MSCW chairperson atangin September 9 tlai dar 5 hmaa bang turin an phut a, a ban loh chuan hmalak chhonzawm an tum thu an sawi a ni.

Hetihlai hian nimin piaha Women & Child Development changtu Minister Pi Lalrinpuii'n thuthar thehdarhtute a kawmna ah Mizoram State Commission for Women Chairperson Pi Lalchhandami chu Birth Certificate sawrkara a thehluh angah dan kalh a awmlo a ti a, Pi Lalchhandami chu kum 1960-a piang ani tiin a certificate thehluh chu pawmsak anih avangin tuna a hna chelh chu a thawk thei niin an ngai a ti a, mi tam tak chu Birth Certificate diktak leh sawrkar kum inmil lo fo an awm thin avangin zirchian mek ani a ti bawk.

Pi Lalrinpuii sawi danin Pi Lalchhandami chu mi rintlak tak niin an duhsak bik vang nilovin Chairperson tur an zawna ah tha bera an hriat avanga ruat anni tih a sawi bawk.

<><><>

EK PED MAA KE NAAM

Ek Ped Maa Ke Naam – Plant 4 Mother' campaign hnuai a thing phun rûnpui State hrang hranga kalpui mêkah niminj khan Aizawl-a Information and Broadcasting Ministry hnuai a Central Media Department ten All India Radio Transmitter Chawnpui a thing tiak an phun.

Ramngaw humhalh leh humhim pawimawhzia inzirtirna leh hma la tura mi tin ten ke an pên theih dân tur inkawh hmuhna a ni a, All India Radio Director leh Cluster Head Pu DR Lalropuia leh Doordarshan Kendra (DDK) Aizawl Director (News) Pu Nampibou Marinmai ten Thing tiak an phun a ni.

He hunah hian All India Radio, PIB leh CBC thawktu hrang hrangte an tel a, Akashvani Aizawl atangin Regional News Asst Director Pu Gin Gangte, Head of Program Pu Samuel Z. Hrangate, Program Executive Pi Lalrammawii ten an phun a, PIB Media and Communication Officer Rajeev Lourebam leh CBC thawktute pawhin thingtiak hi an phun bawk a ni.

Plant 4 Mother hnuai a hian thing phun rûnpui hi State hrang hrangah kalpui mêk niin state sawrkar hmalakna in hmun hrang hrangah thing hi phun tawh a ni a, Ek Ped Maa Ke Naam – Plant 4 Mother' campaign hi Prime Minister Pu Narendra Modi-a'n kumin June ni 5, World Environment Day khân a hawng a, he campaign-ah hian India ram mipui zawng zawngte chu mahni nute puala thing tiak pakhat theuh tal phun turin Prime Minister hian a sâwm a ni.

<><><>

PM

Prime Minister Narendra Modia chuan mahni hnam tawng ngeia zirna kalpui a pawimawh a ti. Nimina National Teachers Award dawngtute nen an inkawmnaah Pu Modia chuan he thu hi sawiin National Education Policy nghawngte a tarlang a.

Zirtirtute chu tualchhung thawnthute zirlai te hnenah tawng hrang hrangin zirtir thei se aduh thu sawiin hei hian tawng thiam tam kawngah zirlaite a pui ang a, ramchhunga hnam hrang hrang ziarang an hriat phah thei ang a ti bawk.

PM Modia chaun zirtirtuten zirlaite ramchhung hmun hrang hrang tlawhkuala zirna pui tu atan an hman theih thu sawiin hei hian ramchhunga thil pawimawh tam tak inphumte a hriatthiam tir dawn a ni a ti a. Tourism lama eizawnnaten a hlawk phah dawn bakah eibar zawna thlengin a nghawng thei dawn a ni a ti.



FLOOD RELIEF

Andhra Pradesh leh Telangana-a tuilian tuarte chhanchhuah hna Indian Navy ten ngawrh takin an thawk mek. Indian Navy hnuai Eastern Naval Command te chuan helicopter hmangin chhawmdawl hna theihtawpin an thawk a, chaw ei turte, damdawi leh tui thianglim in turte an thlak a. Vawiin thlengin mi 180 chhanchhuah tawh an ni.

